



საქართველოს
განათლებისა და
მეცნიერების
სამინისტრო



მასწავლებელთა
პროფესიული
განვითარების
ეროვნული
ცენტრი



სსიპ მასწავლებელთა პროფესიული განვითარების ეროვნული ცენტრი

პროგრამის "ასწავლე და ისწავლე საქართველოსთან ერთად" 2015 წლის დაფინანსების
ფარგლებში გამარტივებული ელექტრონული ტენდერის საშუალებით ჯანმრთელობის
დაზღვევის მომსახურების შესყიდვა

CPV 66512200

ქ. თბილისი
2016 წელი

სარჩევი

1. ტექნიკური დოკუმენტაცია -----	3
2. სახელმწიფო შესყიდვების შესახებ ხელშეკრულების პროექტი -----	5
3. დამატებითი ინფორმაცია -----	12
4. დანართი N 1 -----	13
5. დანართი N 2 -----	14

ტექნიკური დოკუმენტაცია

1. შესყიდვის ობიექტი: ჯანმრთელობის დაზღვევის მომსახურება.
2. მომსახურება უნდა განხორციელდეს შემდეგი პირობების შესაბამისად:
 - დაზღვეულთა რაოდენობა – არაუმეტეს 100 პერსონა.
 - ასაკობრივი ზღვარი – ულიმიტო;
 - ხელშეკრულების მოქმედების მთელი ვადის განმავლობაში თანამშრომლების (რაოდენობის მიუხედავად), იგივე პირობებით დამატების და გამოკლების შესაძლებლობა;
 - დაზღვეულ პირს უნდა ჰქონდეს პროვაიდერი და არაპროვაიდერი კლინიკების, მათ შორის ამბულატორიული, ჰოსპიტალური და სტომატოლოგიური კლინიკა, არჩევის თავისუფლება. დაზღვეულის მხრიდან არაპროვაიდერი კლინიკის (ჰოსპიტალური, ამბულატორიული და სტომატოლოგიური) არჩევის შემთხვევაში იგი ტელეფონის საშუალებით (სადაზღვევო კომპანიის „ცხელი ხაზი“) ატყობინებს სადაზღვევო კომპანიას მისთვის სასურველი სამკურნალო დაწესებულების არჩევის თაობაზე. შესაბამისად, პირად ექიმთან ვიზიტი და მისი მიმართვა სავალდებულო არ არის. ასეთ შემთხვევაში ზარალის ანაზღაურება უნდა მოხდეს სადაზღვევო კომპანიის მიერ მოთხოვნილი დოკუმენტების წარდგენის საფუძველზე.
 - შემსყიდველის მოთხოვნის შემთხვევაში მიმწოდებელმა უნდა მოახდინოს დაზღვეულ პირთა (თითოეული ინდივიდუალური დაზღვეულის) ანაზღაურებაზე გაწეული ხარჯების დეტალური და ჯამური აღრიცხვა და შესაბამისი ინფორმაციის წარდგენა შემსყიდველისთვის.
 - შემსყიდველის მოთხოვნის შემთხვევაში მიმწოდებელმა უნდა მოახდინოს დაზღვეული პირის დარჩენილი ლიმიტის შესახებ ინფორმაციის წარმოდგენა მოთხოვნიდან 48 საათის განმავლობაში .
 - შემსყიდველი ორგანიზაციის მოთხოვნის შემთხვევაში, შემსყიდველისთვის უნდა მოხდეს ფორმა N IV-100ა-ს წარმოდგენა მოთხოვნიდან ორი სამუშაო დღის ვადაში.
 - მიმწოდებელმა უნდა მოახდინოს დაზღვეულ პირთათვის გაწეული სამედიცინო მომსახურების შესახებ ყოველდღიური ანგარიშის წარდგენა შემსყიდველი ორგანიზაციისთვის.
 - მიმწოდებელს უნდა ჰყავდეს ინგლისურის მცოდნე ოჯახის ექიმები და ვიწრო პროფილის სპეციალისტები თბილისში და რეგიონების მთავარ ქალაქებში. (რეგიონებში ინგლისური ენის მცოდნე ექიმების არ არსებობის შემთხვევაში სადაზღვევო კომპანიის წარმომადგენელმა უნდა უზრუნველყოს ექიმსა და მოხალისეს შორის ინგლისურენოვანი კომუნიკაცია).
3. შემოთავაზებული პაკეტი უნდა მოიცავდეს არანაკლებ შემდეგ მომსახურებებს.
 - 24-საათიანი სატელეფონო კონსულტაცია – 100%, ულიმიტო;
 - ოჯახის ექიმის მომსახურება – 100%, ულიმიტო;
 - პროფილაქტიკური გამოკვლევები – 100%, არანაკლებ წელიწადში ერთხელ;
 - სასწრაფო სამედიცინო დახმარება – 100%, ულიმიტო;
 - გეგმიური და გადაუდებელი ჰოსპიტალური მომსახურება – 100%, 10 000 ლარი;
 - გადაუდებელი ამბულატორიული მომსახურება – 100%, ულიმიტო;
 - გეგმიური ამბულატორია- 60% 1000 ლარი.
 - ორსულობა – 100%, 300 ლარი (მოცდა არ განიხილება);

- გადაუდებელი სტომატოლოგიური მომსახურება – 100%, ულიმიტო;
- გეგმიური სტომატოლოგია - 60% 700 ლარი;(პროვაიდერ კლინიკებში)
- მედიკამენტების ანაზღაურების შესაძლებლობა- 60%,1000 ლარი;
- სეზონური აცრები, იმუნიზაცია -- წელიწადში ერთხელ,100%
- უბედური შემთხვევის დაზღვევა –3 000 ლარი.

4. ზარალის ანაზღაურება:

ზარალის ანაზღაურება (არაპროვაიდერი კლინიკის არჩევის შემთხვევაში) უნდა მოხდეს შემდეგნაირად:

- 30 კალენდარული დღის განმავლობაში დაზღვეულმა უნდა წარუდგინოს მზღვეველს შესაბამისი დოკუმენტაცია (წარსადგენი დოკუმენტაცია განისაზღვრება მიმწოდებლის მიერ), ხოლო მზღვეველი საბუთების სრულად მიღებიდან არაუგვიანეს 5 სამუშაო დღის განმავლობაში აანაზღაურებს დაზღვეულის დანახარჯს, სადაზღვევო პირობების შესაბამისად.
- 300 ლარამდე თანხის ანაზღაურება უნდა მოხდეს ნაღდი ანგარიშსწორებით (გარდა იმ შემთხვევებისა, როცა დაზღვეული პერსონა იმყოფება რეგიონში), ხოლო 300 ლარის ზევით თანხის ანაზღაურება (ან რეგიონში მყოფი პერსონის 300 ლარზე ნაკლების შემთხვევაში) უნდა მოხდეს საბანკო გადარიცხვის გზით.

5. ტექნიკური მოთხოვნები:

- პრეტენდენტი უნდა წარმოადგენდეს საქართველოს კანონმდებლობის შესაბამისად ლიცენზირებულ სადაზღვევო ორგანიზაციას და უნდა გააჩნდეს ანალოგიური საქმიანობის (ორგანიზაციებისთვის ჯანმრთელობის დაზღვევის მომსახურების გაწევის) არანაკლებ 7 წლიანი მიმდინარე გამოცდილება.
- პრეტენდენტს უნდა ქონდეს პროვაიდერი სამედიცინო დაწესებულებების ფართო ქსელი, როგორც თბილისში, ასევე საქართველოს შემდეგ რეგიონებში: აჭარა, გურია, იმერეთი, კახეთი, სამეგრელო - ზემო სვანეთი, სამცხე ჯავახეთი, ქვემო ქართლი, შიდა ქართლი, რაჭა. აღნიშნულ რეგიონების რაიონულ ცენტრებში პრეტენდენტს უნდა ყავდეს ოჯახის ექიმებიც, (თუ რომელიმე რაიონულ ცენტრში არ არის ოჯახის ექიმი, მიმწოდებელმა სასურველია უზრუნველყოს დაზღვეული პირის ვიზიტის ორგანიზება უახლოეს რაიონულ ცენტრში არსებულ ოჯახის ექიმთან)
- პრეტენდენტს უნდა ქონდეს სადაზღვევო კომპანიის პროვაიდერი სასწრაფო სამედიცინო დახმარების ფართო ქსელი.

6. სადაზღვევო მომსახურების პირობები:

- ტენდერში გამარჯვებულმა კომპანიამ უმოკლეს დროში უნდა უზრუნველყოს სადაზღვევო პოლისების დამზადება, დაზღვეულებისათვის მიწოდება და მომსახურების უზრუნველყოფა;
- თითოეული დაზღვეული პირისათვის უნდა დამზადდეს ინდივიდუალური სადაზღვევო პოლისი (ბარათი) ინგლისურ ენაზე, რომელიც მოიცავს ინფორმაციას მიმდინარე სადაზღვევო პროგრამის პირობების შესახებ. სადაზღვევო ბარათები მიწოდებული უნდა იყოს შემსყიდველის მიერ ინფორმაციის მიწოდებიდან არაუგვიანეს 3 (სამი) სამუშაო დღის ვადაში.

- **ასისტანსი**

- ითვალისწინებს 24 საათიან სატელეფონო კონსულტაციას, დაზღვეულისათვის ამომწურავი ინფორმაციის მიწოდებას სამედიცინო დაზღვევის პროგრამებთან და პროვაიდერებთან დაკავშირებით, ოჯახის ექიმთან ვიზიტის და ოჯახის ექიმის ბინაზე გამოძახების დაგეგმვას, სამედიცინო მომსახურების ორგანიზებას.

- **ოჯახის ექიმის მომსახურება**

- ითვალისწინებს ოჯახის ექიმის მიერ დაზღვეულ პირთა კონსულტირებას (საჭიროების შემთხვევაში ბინაზე), თითოეულ დაზღვეულზე სამედიცინო ანკეტის წარმოებასა და ჯანმრთელობის მდგომარეობის მონიტორინგს, საჭირო გამოკვლევებისა და მკურნალობის კონტროლს, საჭიროების შემთხვევაში დანიშნულების და გეგმიურ ამბულატორიულ მომსახურებაზე მიმართვის ფურცლის გაცემას.

- **პროფილაქტიკური კვლევა**

- ითვალისწინებს სამედიცინო ჩვენების გარეშე, სადაზღვევო კომპანიის პირადი ექიმის მიმართვის საფუძველზე, შემდეგ სამედიცინო კვლევების ჩატარებას:
 - ა) სისხლის საერთო ანალიზი;
 - ბ) გლუკოზის განსაზღვრა სისხლში;
 - გ) შარდის საერთო ანალიზი;
 - დ) ელექტროკარდიოგრაფია;
 - ე) ერთი ორგანოს ექოსკოპია;

- **სასწრაფო სამედიცინო მომსახურება**

- ითვალისწინებს სასწრაფო სამედიცინო დახმარების ბრიგადის მიერ სასწრაფო სამედიცინო დახმარების აღმოჩენას და ჩვენების შესაბამისად სამედიცინო დაწესებულებამდე ტრანსპორტირებას.

- **ჰოსპიტალიზაცია**

- ითვალისწინებს სადაზღვევო პერიოდის განმავლობაში დაზღვეულის ჯანმრთელობის მდგომარეობის გაუარესებასთან იმ სამკურნალო/დიაგნოსტიკური ღონისძიებების ერთობლიობას, რომელიც დაზღვეულს გაეწევა ლიცენზირებულ სამედიცინო დაწესებულებაში და სადაც დაზღვეულის დაყოვნება აღემატება 24 საათს.

- **გადაუდებელი ჰოსპიტალური მომსახურება**

- ითვალისწინებს სადაზღვევო პერიოდის განმავლობაში დაზღვეულის ჯანმრთელობის მდგომარეობის გაუარესებასთან დაკავშირებულ იმ ჰოსპიტალური სამკურნალო ღონისძიებების ერთობლიობას, რომლის გადავადების პირობებში გარდაუვალია დაზღვეულის ჯანმრთელობის მდგომარეობის მნიშვნელოვანი გაუარესება, დაინვალიდება და/ან სიკვდილი.

- **გეგმიური ჰოსპიტალური მომსახურება**

- ითვალისწინებს სამედიცინო ჩვენებით, დაზღვეულის განთავსებას, ლიცენზირებულ სამედიცინო დაწესებულებაში გეგმიური თერაპიული და/ან ქირურგიული სამედიცინო მომსახურების მისაღებად.
- **ორსულობა**
 - ითვალისწინებს, სამედიცინო ჩვენებით ჩატარებული, ორსულობასთან დაკავშირებული სამედიცინო მომსახურებების და მკურნალობის ხარჯების ანაზღაურებას.
 - ორსულობასთან დაკავშირებული მედიკამენტები ანაზღაურდება ორსულობის ლიმიტიდან ორსულობის პროცენტული დაფარვის შესაბამისად.
- **ამბულატორია**
 - ითვალისწინებს დაზღვეულის ჯანმრთელობის მდგომარეობის გაუარესებასთან დაკავშირებულ იმ სამკურნალო/დიაგნოსტიკური ღონისძიებების ერთობლიობას, რომელიც დაზღვეულს გაეწევა ლიცენზირებულ სამედიცინო დაწესებულებაში, სადაც დაზღვეულის დაყოვნება არ აღემატება 24 სთ-ზე მეტ ხანს.
- **გადაუდებელი ამბულატორია**
 - ითვალისწინებს სადაზღვეო პერიოდის განმავლობაში დაზღვეულის ჯანმრთელობის მდგომარეობის გაუარესებასთან დაკავშირებულ იმ ამბულატორიული ღონისძიებების ერთობლიობას, რომლის გადავადების პირობებში გარდაუვალია დაზღვეულის ჯანმრთელობის მდგომარეობის მნიშვნელოვანი გაუარესება, დაინვალიდება და/ან სიკვდილი.
- **გეგმიური ამბულატორია** - ითვალისწინებს სამედიცინო ჩვენებით, ლიცენზირებულ სამედიცინო დაწესებულებაში ჩატარებულ:
 - ა) ვიწრო პროფილის ექიმ-სპეციალისტების კონსულტაციებს;
 - ბ) ლაბორატორიულ გამოკვლევებს;
 - გ) ინსტრუმენტულ გამოკვლევებს;
 - დ) ამბულატორიულ მანიპულაციებს და მკურნალობას.
 - ე) ქიმიო და სხივური თერაპია (გეგმიური ამბულატორიის და მედიკამენტების ლიმიტისა და თანაგადახდის ფარგლებში);
- **მედიკამენტები**
 - ითვალისწინებს დაზღვეულისთვის სადაზღვეო კომპანიის ოჯახის ექიმის და/ან შესაბამისი სერტიფიკატის მქონე ვიწრო პროფილის ექიმ-სპეციალისტის მიერ სამედიცინო ჩვენებით, ამბულატორიული მკურნალობის ჩატარების მიზნით დანიშნული მედიკამენტების ხარჯების ანაზღაურებას (ერთჯერადად ანაზღაურებას ექვემდებარება მკურნალობის მაქსიმუმ 1 თვიანი კურსი).

- **სტომატოლოგია**
 - **გადაუდებელი სტომატოლოგიური მომსახურება** - ითვალისწინებს კბილის მწვავე ტკივილის გაყუჩებას, რენტგენს, არხის გახსნას და კბილის ექსტრაქციას ნებისმიერ შესაბამისი სამედიცინო მომსახურების გაწევის უფლების მქონე სტომატოლოგიურ დაწესებულებაში.
 - **გეგმიური სტომატოლოგიური მომსახურება**
 - ❖ ითვალისწინებს კარიესის, პულპიტის, პერიოდონტიტის მკურნალობას, გეგმიურ ქირურგიულ მანიპულაციებს, კბილების ჰიგიენურ გაწმენდას (წელიწადში ერთხელ). მზღვეველი უფლებამოსილია არ აანაზღაუროს პაროდონტის, ღრძილისა და ალვეოლური მორჩის დაავადებების დიაგნოსტიკის და მკურნალობის ხარჯები.
 - ❖ მოსარგებლეს აღნიშნული მომსახურების მიღება შეუძლია მხოლოდ მზღვეველის მიერ მითითებულ პროვაიდერ სტომატოლოგიურ დაწესებულებაში.
- **სეზონური აცრები, იმუნიზაცია**
 - სეზონური აცრები, იმუნიზაცია მოიცავს მხოლოდ გრიპის ვაქცინაციას.

7. მიმწოდებლის მიერ დამატებითი მომსახურების სახით ასევე გაწეული უნდა იქნეს შემდეგი მომსახურებები:

- ინგლისურენოვანი პრევენტიაციის ჩატარება **თბილისში** სადაზღვევო პერიოდის განმავლობაში 2-ჯერ, დაზღვეულთათვის საქართველოს მთელ ტერიტორიაზე მოქმედი სადაზღვევო პირობების დეტალური ახსნის მიზნით.
- დაზღვეულის მომსახურება ბინაზე (თბილისის მაშტაბით ექიმის მომსახურება, საჭიროების შემთხვევაში რეცეპტის გამოწერა).
- არასამუშაო საათებში (დღეებში) სამედიცინო მომსახურების საჭიროების შემთხვევაში, დაზღვეული უფლებამოსილია ოჯახის ექიმის მიმართვის გარეშე, ცხელ ხაზზე შეტყობინების საფუძველზე, ისარგებლოს „მიმწოდებლის“ პროვაიდერი კლინიკის სამედიცინო მომსახურებით, მომსახურე კლინიკის ექიმის სამედიცინო დასკვნის საფუძველზე,
- ექიმის დასკვნის საფუძველზე, სასწრაფო სამედიცინო მომსახურების სახით რეანიმოციის (და სხვა სპეციფიკური სასწრაფო მომსახურების მანქანის) მომსახურება საქართველოს ნებისმიერ რეგიონში.
- ქრონიკული დაავადებების დიაგნოსტიკისა და მკურნალობის ხარჯების ანაზღაურება; (ასევე შაქრიანი და უშაქრო დიაბეტი, თირკმლების ქრონიკული უკმარისობა, ფარისებრი ჯირკვლის დაავადებები, სისტემური დაავადებები)
- ასაკობრივი კატარაქტა;
- ორსულობა მოცდის პერიოდის გარეშე;
- ანტიტეტანური და ანტირაბიული იმუნიზაცია;
- პირადი მენეჯერის სერვისი, რომელიც მოაგვარებს ყველა სახის პრობლემას, მათ შორის უზრუნველყოფა ინგლისურენოვანი კომუნიკაციას საჭიროების შემთხვევაში;
- ელექტრონული მიმართვების გადაგზავნა პროვაიდერ კლინიკებში;

- რთული სამედიცინო შემთხვევების მართვა – მაღალკვალიფიციური სპეციალისტების კონსილიუმის ორგანიზება და მასთან დაკავშირებული ხარჯების ანაზღაურება;
- ხელშეკრულების ძალაში შესვლამდე არსებული ჯანმრთელობის პრობლემების და მათი გართულების ხარჯების ანაზღაურება;
- ანტიმიკობური პრეპარატების ანაზღაურება
- სისტემური დაავადებები;

- **უბედური შემთხვევის დაზღვევა**

- "უბედურ შემთხვევაში" იგულისხმება - უეცარი, მოულოდნელი მოვლენა, რომელიც მოხდა "დაზღვეულის" ნებისგან დამოუკიდებლად, გარეშე ძალის ზემოქმედების შედეგად და გამოიწვია დაზღვეულის შრომისუნარიანობის დროებითი ან მუდმივი დაკარგვა .
- უბედური შემთხვევისგან დაზღვევა - სადაზღვევო პერიოდის განმავლობაში უბედური შემთხვევით გამოწვეული მუდმივი, სრული, მუდმივი ნაწილობრივი ან დროებითი შრომისუნარიანობის დაზღვეულისათვის ან ბენეფიციარისათვის, დაზღვევის პირობებით განსაზღვრული, სადაზღვევო თანხის სრული ოდენობით ანაზღაურება.
- მუდმივი სრული შრომისუნარიანობა – მხოლოდ უბედური შემთხვევით და რაიმე სხვა მიზეზისგან დამოუკიდებლად გამოწვეული სხეულის დაზიანება, რომელიც უბედური შემთხვევის დღიდან მინიმუმ 6 კალენდარული თვის განმავლობაში გამოიწვევს დაზღვეულის შრომისუნარიანობის სრულ დაკარგვას.
- მუდმივი ნაწილობრივი შრომისუნარიანობა - მხოლოდ უბედური შემთხვევით და რაიმე სხვა მიზეზისგან დამოუკიდებლად სხეულის დაზიანება, რომელიც უბედური შემთხვევის დღიდან 6 კალენდარული თვის განმავლობაში გამოიწვევს შრომისუნარიანობის ნაწილობრივ მუდმივ დაკარგვას.
- დროებითი შრომისუნარიანობა - მხოლოდ უბედური შემთხვევით და რაიმე სხვა მიზეზისგან დამოუკიდებლად გამოწვეული სხეულის დაზიანება, რომელიც უბედური შემთხვევის დღიდან 6 კალენდარულ თვეზე ნაკლები დროით (მინიმუმ 3თვე) გამოიწვევს შრომისუნარიანობის ნაწილობრივ ან სრულ დაკარგვას.

- **დაზღვევით დაუფარავი სამედიცინო შემთხვევების დროს მკურნალობის პროცესის ორგანიზება და ხარისხის მონიტორინგი.**

- იმ შემთხვევაში თუ დაზღვეულის სამედიცინო კონდიცია არ არის დაფარული დაზღვევის პირობების მიხედვით, დაზღვეულს უნდა გაეწიოს დაავადების მკურნალობის ორგანიზების და მკურნალობის ხარისხის მონიტორინგის მომსახურება.

8. დაზღვევით არ ანაზღაურდება

- სხეულის განზრახ თვითდაზიანებითა და იმ შემთხვევებით გამოწვეული დაავადებების ხარჯები, როდესაც დაზღვეული განზრახ იგდებს თავს საფრთხეში,

გარდა იმ შემთხვევებისა როდესაც ის მოქმედებს სხვისი სიცოცხლის გადარჩენის მიზნით;

- ალტერნატიული მედიცინის (აკუპუნქტურა, ჰომეოპათია, მანუალური თერაპია, სუჯოკთერაპია, და ა.შ.), სანატორიულ-საკურორტო მომსახურება, სარეაბილიტაციო პროცედურების, ბიოლოგიური სითხეებისა და ქსოვილების საზღვარგარეთ დიაგნოსტიკებისა და თვითმკურნალობის ხარჯები;

- ბიოლოგიურად აქტიური ან/და კვებითი დანამატების, ნივთიერებათა ცვლის მარეგულირებელი საშუალებების, შაქრის შემცველების, იმუნომოდულატორების, იმუნოდეპრესანტების, ფსიქოტროპული საშუალებების, არარეგისტრირებული მედიკამენტების, პარასამკურნალო საშუალებების, პროტექტორების, ონიხომიკოზების ანტიმიკოზური პრეპარატებით მკურნალობას, პირადი ჰიგიენის ან/და მოვლის საშუალებების(კბილის პასტა, შამპუნი, პირის ღრუს სავლები, თმის სამკურნალო და მსგავსი საშუალებები) შეძენასთან დაკავშირებულ ხარჯები;

- ეგზო პროტეზების და დამხმარე საშუალებების (სათვალე, კონტაქტური ლინზები, სმენის აპარატი, კომპრესიული გეტრები, ბინტი, შპრიცი, ბამბა, წნევის აპარატი, თერმომეტრი და მსგავსი საშუალებები) შეძენასთან დაკავშირებულ ხარჯები.

- პროფესიული ან სამოყვარულო/სარისკო სპორტის სახეობებში (ზამთრის, წყლის (გარდა ცურვისა), საჰაერო, სიჩქარეზე შეჯიბრი, კლდეზე ცოცვა, ალპინიზმი, ნადირობა) მონაწილეობასთან დაკავშირებული ჯანმრთელობის პრობლემებისა და მდგომარეობების დიაგნოსტიკისა და მკურნალობის ხარჯები.

- ნარკომანიის, ტოქსიკომანიის, ალკოჰოლიზმის, ასევე მათი გართულებების დიაგნოსტიკებისა და მკურნალობის ხარჯები; პლასტიკურ (კოსმეტიკური და რეკონსტრუქციული) ქირურგიასთან ; წონის კორექციასთან, ორგანოთა და ქსოვილთა ტრანსპლანტაციასთან, მხედველობის კორექციასთან დაკავშირებულ ხარჯები;

- შიდსის და ვირუსული ჰეპატიტების (A ჰეპატიტის გარდა), დიაგნოსტიკისა და მკურნალობის ხარჯები(პირველადი დიაგნოსტიკის გარდა);

- დიალიზის და პლაზმაფერეზის ხარჯები; თანდაყოლილი და გენეტიკური დაავადებების, ფსიქიკური და ქცევითი აშლილობების, დიაგნოსტიკისა და მკურნალობის ხარჯებს; ფსიქოთერაპევტის და ლოგოპედის ხარჯები.

- მოწვეული/აყვანილი ექიმისა, ლუქს პალატის და სამედიცინო ჩვენების გარეშე გაწეული მომსახურების ხარჯები (გარდა დამატებით მომსახურებაში მითითებული შემთხვევისა);

- აბორტის ხარჯები (გარდა სამედიცინო ჩვენებისა). პროფილაქტიკური ვაქცინაციის და იმუნიზაციის ხარჯებს (გრიპის, ანტიტეტანური და ანტირაბიული იმუნიზაციის გარდა); რეპროდუქტოლოგიის, უნაყოფობის, იმპოტენციის გამოკვლევის და სამედიცინო მომსახურების ხარჯებს; კონტრაცეფციის, ოჯახის დაგეგმარების, ხელოვნური განაყოფიერების, სტერილიზაციის, სტერილიზაციის შემდგომი რეპროდუქციული უნარის რეაბილიტაციის ხარჯებს; უპირატესად სქესობრივი გზით გადაცემულ დაავადებათა სამედიცინო მომსახურების ხარჯები;

- მკურნალობის ხარჯები, რომელიც საჭირო გახდა დაზღვეულის ომში, აჯანყებაში, სამოქალაქო არეულობაში ან კრიმინალურ ქმედებაში მონაწილეობის

შედეგად, აგრეთვე თავისუფლების აღკვეთის პერიოდში გაწეული სამედიცინო მომსახურების ხარჯები;

- სახელმწიფო, მუნიციპალური და სხვა სადაზღვევო კომპანიის პოლისით გათვალისწინებული სამედიცინო მომსახურების ხარჯები.

9. განსაკუთრებული პირობა:

- დაზღვეულ პირთა დამატება და/ან გამოკლება მოხდება შემსყიდველის წერილობითი შეტყობინების საფუძველზე. შესაბამისად ინდივიდუალურ პირებზე დაზღვევის სრული ან დროებითი შეჩერება და /ან ახალი პირების დაზღვევა უნდა მოხდეს შემსყიდველის წერილობითი შეტყობინების საფუძველზე, შეტყობინებაში მითითებული თარიღიდან (დღიდან).
- შემსყიდველ ორგანიზაციაზე სადაზღვევო მომსახურების გაწევის განმავლობაში მზღვეველის მიერ გამოყოფილი უნდა იყოს ინგლისურენოვანი (ინგლისურ ენაზე თავისუფლად მოსაუბრე) საკონტაქტო პირი, რომელთანაც შესაძლებელი იქნება უცხოელი მოხალისეების დაკონტაქტება და რომელიც უზრუნველყოფს დაზღვევის პირობებით გათვალისწინებული სამედიცინო მომსახურების ორგანიზებას.
- ივლისის თვიდან შესაძლებელია მოხდეს დაზღვეულთა რაოდენობის მკვეთრი (მინიმუმამდე) შემცირება.

10. მომსახურების გაწევის ვადა ხელშეკრულების გაფორმებიდან 2016 წლის 31 დეკემბრის ჩათვლით;

11. მომსახურების გაწევის ადგილი - საქართველო

12. დაფინანსების წყარო: სახელმწიფო ბიუჯეტი.

13. აუცილებელი პირობა: სადაზღვევო პრემია ერთ თანამშრომელზე (ინდივიდუალური პაკეტი) თვეში დაანგარიშებული უნდა იყოს ტენდერის სავარაუდო ღირებულების, თვეების (არაუმეტეს 11.5 თვე) და თანამშრომელთა რაოდენობის გათვალისწინებით. შემოთავაზებული ფასი უნდა მოიცავდეს მომსახურების სრულყოფილად გაწევასთან დაკავშირებულ ყველა ხარჯს, მათ შორის სადაზღვევო პოლისების დამზადების ღირებულებას და კანონმდებლობით გათვალისწინებულ გადასახადებს, გარდა დღგ-სა, რადგან „საქართველოს საგადასახადო კოდექსის“ 168-ე მუხლის მე-2 პუნქტის „ა“ ქვეპუნქტის მიხედვით აღნიშნული ოპერაცია (სადაზღვევო/ფინანსური ოპერაცია) გათვალისწინებულია დღგ-სგან. ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას.

შენიშვნა:

სსიპ სახელმწიფო შესყიდვების სააგენტოს თავმჯდომარის 2011 წლის 7 აპრილის N 9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ მე-11 მუხლის მე-2¹ პუნქტის შესაბამისად, თუ ტენდერში ყველაზე დაბალი ფასის წინადადების მქონე

პრეტენდენტის მიერ სახელმწიფო შესყიდვების ერთიან ელექტრონულ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტისაგან ითხოვს ფასწარმოქმნის ადეკვატურობის დასაბუთებას. ფასწარმოქმნის ადეკვატურობა დასტურდება ექსპერტიზის დასკვნით, რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას. პრეტენდენტი ვალდებულია სახელმწიფო შესყიდვების ერთიან ელექტრონულ სისტემაში მეშვეობით წარმოადგინოს ფასწარმოქმნის ადეკვატურობის დამადასტურებელი დოკუმენტი შემსყიდველის წერილობითი მოთხოვნიდან 5 (ხუთი) სამუშაო დღის ვადაში.

14. ანგარიშსწორების პირობები:

14.1 ანგარიშსწორება განხორციელდება უნაღდო ანგარიშსწორების ფორმით ეროვნულ ვალუტაში;

14.2 ანგარიშსწორება განხორციელდება ეტაპობრივად, უნაღდო ანგარიშსწორების ფორმით, მზღვეველის მიერ წარმოდგენილი შესაბამისი ანგარიშსწორების დოკუმენტის (დეტალურად გაწერილი ინვოისის) საფუძველზე შედგენილი მიღება ჩაბარების აქტის ხელმოწერებიდან 15 (თხუთმეტი) სამუშაო დღის განმავლობაში. ანუ მზღვეველი ყოველი საანგარიშო თვის მომდევნო თვის არაუგვიანეს 5 რიცხვისა, წარუდგენს შემსყიდველ ორგანიზაციას ინვოისს, სადაც მიეთითება დამზღვევის მიერ შესაბამის საანგარიშო თვეში გადასახდელი სადაზღვევო პრემიის ოდენობა დაზღვეულ პირთა რაოდენობისა და თვითოეულ პირზე არსებული ასანაზღაურებელი სადაზღვევო დღეების რაოდენობის შესაბამისად. არასრულ თვეში ანაზღაურება მოხდება დღეების პროპორციულად.

14.3 საავანსო ანგარიშსწორება არ გამოიყენება.

14.4 ალტერნატიული სატენდერო წინადადება არ განიხილება;

15. პრეტენდენტის მიერ სისტემაში უნდა აიტვირთო შემდეგი დოკუმენტები:

ა) რეკვიზიტები - პრეტენდენტის დასახელება, მისამართი, ტელეფონის ნომერი, საბანკო რეკვიზიტები, ხელმძღვანელის სახელი, გვარი;

ბ) შესაბამისი ორგანოს მიერ დაზღვევის სახეობის მიხედვით გაცემული ლიცენზია (წარმოდგენა სავალდებულოა);

გ) შემოთავაზებული პაკეტის ერთეულის ღირებულება თანადაფინანსების პროცენტულობის და ლიმიტის მითითებით და გასაწევი მომსახურების აღწერილობა, დეტალურად უნდა იქნეს წარმოდგენილი იმ დაავადებათა ჩამონათვალი, რომელიც არ ანაზღაურდება; (პაკეტის ღირებულება წარმოდგენილი უნდა იყოს დღგ-ს გარეშე, ვინაიდან „საქართველოს საგადასახადო კოდექსის“ 168-ე მუხლის მე-2 პუნქტის „ა“ ქვეპუნქტის მიხედვით აღნიშნული ოპერაცია (სადაზღვევო/ფინანსური ოპერაცია) გათავისუფლებულია დღგ-სგან.

დ) პროვაიდერი კლინიკების (ჰოსპიტალური, ამბულატორიული და სტომატოლოგიური) სრული ჩამონათვალი როგორც თბილისში ასევე საქართველოს რეგიონებში, (სატენდერო დოკუმენტაციის ტექნიკური პირობების მე-2 პუნქტის შესაბამისად) ზუსტი საკონტაქტო ინფორმაციის მითითებით;

ე) სადაზღვევო კომპანიის პროვაიდერი სასწრაფო სამედიცინო დახმარების ქსელის შესახებ ზუსტი საკონტაქტო ინფორმაცია თბილისისა და რეგიონებში;

ვ) ინფორმაცია ბოლო 7 წლის მანძილზე ანალოგიური საქმიანობის (ჯანმრთელობის დაზღვევის მომსახურების) შესახებ დაზღვევის წლებისა და დაზღვეული ორგანიზაციების მითითებით. ინფორმაცია წარმოდგენილი უნდა იქნას დანართი 2-ის შესაბამისად.

ხელშეკრულება
სახელმწიფო შესყიდვების შესახებ N --- (პროექტი)

ხელშეკრულების პირობების საბოლოო ვარიანტი შეიძლება დაზუსტდეს და
დაიხვეწოს ტენდერში გამარჯვებულ პრეტენდენტთან ხელშეკრულების
გაფორმების პროცესში.

ქ. თბილისი

----- 2015 წელი

შემსყიდველი: სსიპ – მასწავლებელთა პროფესიული განვითარების ეროვნული ცენტრი,
წარმოდგენილი ცენტრის დირექტორის **გიორგი მაჩაბლის** სახით;

მისამართი: ქ. თბილისი, გმირ კურსანტთა ქ. №1;

საიდენტიფიკაციო კოდი: 202374251;

საბანკო რეკვიზიტები: სახელმწიფო ხაზინა, კოდი: TRESGE22, ა/ა: GE24 NB03 3010 0200 1650
22.

მიმწოდებელი: -----, მისი ----- სახით ;

მისამართი: -----;

საიდენტიფიკაციო კოდი: -----;

საბანკო რეკვიზიტები: -----, ბანკის კოდი:, ა/ა:

მუხლი 1. ხელშეკრულებაში გამოყენებულ ტერმინთა განმარტება

1. ტერმინთა განმარტება

1.1. „მზღვეველი“ – სადაზღვევო კომპანია ----- რომელიც კანონმდებლობის
შესაბამისად ეწევა სადაზღვევო საქმიანობას და „დამზღვევთან“ დებს წინამდებარე
ხელშეკრულებას.

1.2. „დამზღვევი“ - პირი, რომელიც დებს წინამდებარე ხელშეკრულებას „მზღვეველთან“ და
იხდის შესაბამის სადაზღვევო პრემიას;

1.3. „დაზღვეული“ (მოსარგებლე) – „დამზღვევთან“ შრომით ურთიერთობაში მყოფი პირი
რომლის მიმართაც ხორციელდება დაზღვევა;

1.4. „თანამშრომლები“ - „დამზღვევთან“ შრომით ურთიერთობაში მყოფი პირები, რომლებიც
ჩამოთვლილნი იქნებიან დანართი N 1-ში;

1.5. „სადაზღვევო ლიმიტი“ - სადაზღვევო ანაზღაურების მაქსიმალური სიდიდე –
„მზღვეველის“ პასუხისმგებლობის მაქსიმალური ლიმიტი;

1.6. „სადაზღვევო ბარათი“ – სადაზღვევო პოლისი, დოკუმენტი, რომელიც ადასტურებს
„დამზღვევის“ („დაზღვეულის“) უფლებას „სადაზღვევო ანაზღაურებაზე“;

1.7. „სადაზღვევო ანაზღაურება“ – თანხა ან მომსახურება, რომელიც „მზღვეველისაგან“
ეკუთვნის „დამზღვევს“ („დაზღვეულს“) „სადაზღვევო შემთხვევის დადგომისას“;

1.8. „სადაზღვევო პრემია“ – თანხა (დაზღვევის ღირებულება), რომელიც უნდა გადაუხადოს
„დამზღვევმა“ „მზღვეველს“ წინამდებარე ხელშეკრულებით გათვალისწინებული დაზღვევის
საფასურად.

1.9. „სადაზღვევო შემთხვევა“ – ფაქტობრივად დამდგარი შემთხვევა, როდესაც წინამდებარე
ხელშეკრულება „მზღვეველის“ მიერ „დამზღვევის“ („დაზღვეულის“) მიმართ
„სადაზღვევო ანაზღაურების“ გადახდას ითვალისწინებს;

- 1.10. “დაზღვევის პირობები” – “მზღვეველის” მიერ გამოცხადებული ტენდერის SPA----- პირობების შესაბამისად შემუშავებული ჯანმრთელობის დაზღვევის პირობები, რომელიც თან ერთვის წინამდებარე ხელშეკრულებას და შეადგენს მის განუყოფელ ნაწილს.
- 1.11. “უბედური შემთხვევა” – უეცარი, მოულოდნელი მოვლენა, რომელიც მოხდა “დაზღვეულის” ნებისგან დამოუკიდებლად, გარეშე ძალის ზემოქმედების შედეგად და გამოიწვია “დაზღვეულის” შრომისუნარიანობის დროებითი ან მუდმივი დაკარგვა.
- 1.12. „ფორს-მაჟორი“ – სტიქიური მოვლენა, გაფიცვა, ლოკაუტი, ტერორისტული აქტი, დივერსია, საბოტაჟი, საომარი/ საბრძოლო მოქმედება, სამოქალაქო მღელვარება, რევოლუცია, ეპიდემია, კონფისკაცია, ნაციონალიზაცია, რეკვიზიცია და სხვა მსგავსი მოვლენები, რომლებიც “მხარ(ებ)ის” კონტროლს არ ექვემდებარება და რომელთა თავიდან აცილებაც მათ მიერ შეუძლებელია.

მუხლი 2. ხელშეკრულების საგანი

- 2.1 შემსყიდველის მიერ ჩატარებულ გამარტივებულ ელექტრონულ ტენდერში (სატენდერო განცხადების N SPA---) გაიმარჯვა მიმწოდებლის სატენდერო წინადადებამ, რომლის თანახმად, მიმწოდებელმა აიღო ვალდებულება გაუწიოს შემსყიდველს “დამზღვევთან” შრომით ურთიერთობაში მყოფი პირების ჯანმრთელობის დაზღვევის მომსახურება, (CPV66512220) “მზღვეველის” ჯანმრთელობის დაზღვევის პირობების მიხედვით (დანართი N--)
- 2.2.წინამდებარე ხელშეკრულება ითვალისწინებს მზღვეველის/მიმწოდებლის ვალდებულებას გაუწიოს დაზღვეულს შესაბამისი სადაზღვევო პოლისით გათვალისწინებული მომსახურება (დანართი N--)
- 2.3. წინამდებარე ხელშეკრულებისა და “დაზღვევის პირობების” საფუძველზე “დაზღვეულებისათვის” გაიცემა შესაბამისი “სადაზღვევო ბარათები”. წინამდებარე ხელშეკრულება, “დაზღვევის პირობებთან” და “სადაზღვევო ბარათებთან” ერთად შეადგენს ერთ მთლიან შეთანხმებას “მხარეებს” შორის.
- 2.4. “მხარეები” აძლევენ ერთმანეთს გარანტიას, რომ ისინი სრულად, ჯეროვნად და კეთილსინდისიერად შეასრულებენ წინამდებარე ხელშეკრულებით გათვალისწინებულ უკლებლივ ყველა პირობას.
- 2.5 მომსახურების პერიოდში დაზღვეულ პირთა დამატების და ან გამოკლების (მათ შორის მინიმუმამდე შემცირების) შემთხვევაში, სადაზღვევო მომსახურების პირობების შეცვლა დაუშვებელია.
- 2.6 წინამდებარე ხელშეკრულების ფარგლებში, თითოეული “სადაზღვევო ბარათი” გაიცემა ამავე ხელშეკრულების მოქმედების პერიოდის დასრულებამდე ვადით.

3. სადაზღვევო პრემია, მისი გადახდის წესი და პირობები

- 3.1 წინამდებარე ხელშეკრულებით გათვალისწინებული მომსახურებისთვის განხორციელდება სადაზღვევო პრემიის ანაზღაურება არაუმეტეს 100 პერსონაზე.
- 3.2 დამზღვევის მიერ მზღვეველისთვის გადასახდელი ყოველთვიური სადაზღვევო თანხის ოდენობა შეადგენს ლარს.
- 3.3 ანგარიშსწორება განხორციელდება ეტაპობრივად, ყოველთვიურად უნაღდო ანგარიშსწორების ფორმით, მზღვეველის მიერ წარმოდგენილი შესაბამისი ანგარიშსწორების დოკუმენტის (დეტალურად გაწერილი ინვოისის) საფუძველზე შედგენილი მიღება ჩაბარების აქტზე ხელმოწერებიდან 15 (თხუთმეტი) სამუშაო დღის განმავლობაში. ანუ მზღვეველი ყოველი საანგარიშო თვის მეორე (შემდეგი) თვის არაუგვიანეს 5 რიცხვისა წარუდგენს შემსყიდველ ორგანიზაციას ინვოისს, სადაც მიეთითება დამზღვევის მიერ შესაბამის თვეში (საანგარიშო პერიოდში) გადასახდელი პრემიის ოდენობა დაზღვეულ პირთა რაოდენობის გათვალისწინებით და თვითოეულ პირზე არსებული ასანაზღაურებელი

სადაზღვევო პრემია სადაზღვევო დღეების რაოდენობის (საანგარიშო პერიოდის) შესაბამისად.

3.4. დაზღვეულ პირთა დამატების და/ან გამოკლების შემთხვევაში (აღნიშნულის შესახებ მზღვეველს ინფორმაცია მიეწოდება შემსყიდველისგან წერილობითი სახით) ინდივიდუალურ პირებზე სადაზღვევო პრემიის სიდიდე დაანგარიშდება დღეების რაოდენობის (საანგარიშო პერიოდის) მიხედვით, შემსყიდველის წერილობით შეტყობინებაში მითითებული თარიღების (დღეების) შესაბამისად.

3.5 დადგენილ ვადაში “სადაზღვევო პრემიის” გადაუხდელობის შემთხვევაში “მზღვეველი” უგზავნის “დამზღვევს” წერილობით შეტყობინებას ორკვირიანი ვადის მითითებით;

3.6 შეტყობინების გაგზავნიდან ორკვირიანი ვადის გასვლის შემდეგ, თუ შესაბამისი “სადაზღვევო პრემია” არ იქნება გადახდილი, “მზღვეველი” თავისუფლდება თავისი მოვალეობებისაგან.

3.7 “სადაზღვევო შემთხვევის” დადგომისას, “მზღვეველის” მიერ “სადაზღვევო ანაზღაურების” გადახდა ხორციელდება “დაზღვევის პირობებისა” და საქართველოს კანონმდებლობის შესაბამისად.

3.8 **დაფინანსების წყარო:** სსიპ – მასწავლებელთა პროფესიული განვითარების ეროვნული ცენტრის ----- ფარგლებში.

მუხლი 4. შესასყიდი ობიექტის ხარისხი

4.1 მიმწოდებელი პასუხისმგებლობას კისრულობს, რომ გაწეული მომსახურება შეესაბამება ყველა მოქმედ თანამედროვე სტანდარტებს და ნორმებს;

4.2 მიმწოდებელი აცხადებს, რომ გაწეული მომსახურება იქნება უნაკლო.

მუხლი 5. მომსახურების გაწევის ვადები და ადგილი

5.1 მომსახურების გაწევა განხორციელდება - ხელშეკრულების გაფორმებიდან 2016 წლის 31 დეკემბრის ჩათვლით;

5.2 მომსახურების გაწევის ადგილი – .

მუხლი 6. შესასყიდი ობიექტის მიღება-ჩაბარების წესი

6.1 შესასყიდი ობიექტის მიღება ფორმდება შემსყიდველისა და მიმწოდებლის უფლებამოსილი წარმომადგენლების მიერ ხელმოწერილი მიღება-ჩაბარების აქტის საფუძველზე, რაც ასევე ადასტურებს მიმწოდებლის მიერ ნაკისრი ვალდებულებების შესრულებას;

6.2 შესყიდვის ობიექტის მიღება-ჩაბარება განხორციელდება ეტაპობრივად, შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით;

6.3 შესყიდვის ობიექტის (მისი ნაწილის, ეტაპის) მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი;

6.4 მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია;

6.5 მიღება-ჩაბარებაზე უფლებამოსილი პირები არიან სსიპ - მასწავლებელთა პროფესიული განვითარების ეროვნული ცენტრის უფლებამოსილი პირი (პირები). მიღება-ჩაბარების აქტის გაფორმების საფუძველია ინსპექტირების განმახორციელებელი პირის დასკვნა.

მუხლი 7. ანგარიშსწორება

- 7.1 ანგარიშსწორება განხორციელდება მიღება-ჩაბარების (შესრულების) აქტის გაფორმების დღიდან არა უგვიანეს 15 (თხუთმეტი) სამუშაო დღისა;
- 7.2 ანაზღაურება მიმწოდებელთან განხორციელდება უნაღდო ანგარიშსწორების ფორმით, ეროვნულ ვალუტაში;
- 7.3 საავანსო ანგარიშსწორება არ გამოიყენება.

მუხლი 8. მხარეთა უფლება-მოვალეობანი

- 8.1 “მზღვეველი”/მიმწოდებელი უფლებამოსილია:
- 8.1.1. მოსთხოვოს “დამზღვევს” წინამდებარე ხელშეკრულებით ნაკისრი ვალდებულებების ჯეროვანი შესრულება;
- 8.1.2 მოსთხოვოს “დამზღვევს”, გადაიხადოს “სადაზღვევო პრემია” წინამდებარე ხელშეკრულებით დადგენილი წესითა და ვადებში;
- 8.1.3 მოსთხოვოს “დამზღვევს” დაზღვევის ხელშეკრულების დადებისათვის საჭირო ინფორმაციის წარდგენა “მზღვეველსა” და “დამზღვევს” შორის შეთანხმებული ფორმით;
- 8.1.4 არ აანაზღაუროს ის ხარჯი, რომელიც არ არის გათვალისწინებული “დაზღვევის პირობებით”;
- 8.1.5 არ აანაზღაუროს “სადაზღვევო შემთხვევა”, თუ “დამზღვევმა” ან/და “დაზღვეულმა” გააფორმა ორმაგი დაზღვევა მართლსაწინააღმდეგო შემოსავლის მიღების მიზნით;
- 8.1.6 არ აანაზღაუროს “უბედური შემთხვევის” შედეგად დამდგარი “სადაზღვევო შემთხვევა”, თუ “დაზღვეული” (“დაზღვეულის” წარმომადგენელი), ან “დამზღვევი” წინასწარ, შეგნებულად უარს განაცხადებს იმ იურიდიული, ან ფიზიკური პირის მხრიდან ზარალის ანაზღაურების მოთხოვნაზე, რომელთა ქმედებამაც გამოიწვია “დაზღვეულის” შრომისუნარიანობის დროებითი, ან მუდმივი დაკარგვა;
- 8.2 “მზღვეველი”/მიმწოდებელი ვალდებულია:
- 8.2.1 განახორციელოს მაღალი ხარისხის სადაზღვევო მომსახურება “დაზღვევის პირობების” შესაბამისად; (მომსახურების ხარისხში გულისხმობს შემსყიდველის მოთხოვნების მიხედვით აღებული ვალდებულებების სრულყოფილად შესრულებას, სადაზღვევო მომსახურება გაწეული უნდა იყოს დროულად, სრულად და მარტივად)
- 8.2.2 თითოეულ “დაზღვეულზე” გასცეს შესაბამისი დაზღვევის დამადასტურებელი დოკუმენტი – “სადაზღვევო ბარათი” “დამზღვევის” მიერ “დაზღვეულ პირთა” სიის (მონაცემების) მიწოდებიდან არაუგვიანეს 5 (ხუთი) სამუშაო დღის განმავლობაში.
- 8.2.2 გაუწიოს „დამზღვევს“ (“დაზღვეულს”) მაღალი ხარისხის სადაზღვევო მომსახურება;
- 8.2.3 წარუდგინოს “მზღვეველს” ქვეყნის მთელ ტერიტორიაზე პროვაიდერი სამედიცინო დაწესებულებების სრული ჩამონათვალი, მასშიცვლილების შემთხვევაში შემსყიდველს მიაწოდოს ინფორმაცია 24 საათის განმავლობაში.
- 8.2.4 მისცეს “დაზღვეულს” მისი პროვაიდერი სამედიცინო დაწესებულებების არჩევის თავისუფალი და შეუზღუდავი საშუალება.
- 8.2.5 “სადაზღვევო შემთხვევის” დადგომისას, “დაზღვეულის” მიერ ყველა საჭირო დოკუმენტის წარმოდგენის შემდეგ გასცეს “სადაზღვევო ანაზღაურება”, “დაზღვევის პირობების” შესაბამისად;
- 8.2.6 არ შეწყვიტოს წინამდებარე ხელშეკრულება ცალმხრივად ვადაზე ადრე, გარდა წინამდებარე ხელშეკრულებით გათვალისწინებული შემთხვევებისა;
- 8.2.7 “მზღვეველის” მოთხოვნის შემთხვევაში, მოთხოვნიდან ორი სამუშაო დღის ვადაში მიაწოდოს მას ფორმა N IV-100ა.

8.2.8 “მზღვეველის” მოთხოვნის შემთხვევაში, მოთხოვნიდან 48 საათის განმავლობაში მიაწოდოს მას ინფორმაცია დაზღვეულ პირთა დარჩენილი ლიმიტის შესახებ;

8.2.9 წარუდგინოს “მზღვეველს” ყოველდღიური ანგარიში დაზღვეულ პირთათვის გაწეული სამედიცინო მომსახურების შესახებ.

8.2.10 “მზღვეველის” მოთხოვნის შემთხვევაში ჩაატაროს ინგლისურენოვანი პრეზენტაცია საქართველოს მთელ ტერიტორიაზე, დაზღვეულ პირთათვის სადაზღვევო პირობების დეტალური ახსნის მიზნით.

8.2.11 ჯეროვნად შეასრულოს სატენდერო დოკუმენტაციის პუნქტი 1-ით ნაკისრი სხვა ვალდებულებები.

8.3 “დამზღვევი”/შემსყიდველი ვალდებულია:

8.3.1. გადაიხადოს “სადაზღვევო პრემია” წინამდებარე ხელშეკრულებით დადგენილი წესით, ხელშეკრულების პუნქტი 6-ით განსაზღვრული პირობების და ვადების შესაბამისად;

8.3.2. ხელი შეუწყოს “მზღვეველს” “სადაზღვევო შემთხვევის” დადგომასთან და მის შედეგებთან დაკავშირებული მონაცემების მოკვლევა-მოძიებაში;

8.3.3. სადაზღვევო მომსახურების კოორდინაციისა და ხარისხის მუდმივი კონტროლის მიზნით გამოყოს მზღვეველთან/მიმწოდებელთან საკონტაქტო პირი;

8.3.4. სამედიცინო მომსახურების საჭიროების შესახებ დაზღვეულმა, ან ნებისმიერმა სხვა დაინტერესებულმა პირმა წინასწარ ან სამედიცინო მომსახურების დასრულებამდე შეატყობინოს “მზღვეველს” ცხელი ხაზის საშუალებით.

8.3.5. გადაუდებელი ამბოლათორიული მომსახურების შემთხვევაში, როცა წინასწარი შეტყობინება ობიექტური მიზეზებით შეუძლებელია, ასეთი შეტყობინება უნდა გააკეთოს სამედიცინო მომსახურების დასრულებამდე ან არაუგვიანეს მომსახურების მიღებიდან 24 საათის განმავლობაში.

8.3.6. გადაუდებელი ჰოსპიტალური მომსახურების შემთხვევაში, როცა წინასწარი შეტყობინება ობიექტური მიზეზებით შეუძლებელია, ზემოხსენებული შეტყობინება გააკეთოს სამედიცინო მომსახურების დასრულებამდე ან არაუგვიანეს მომსახურების მიღებიდან 48 საათის განმავლობაში

8.3.7 “დაზღვეულ” პირთან შრომითი ურთიერთობის შეწყვეტის და ან დროებითი შეჩერების, ასევე ახალი პირების დამატების დროს, დაუყოვნებლივ წერილობითი შეტყობინების სახით აცნობოს “მზღვეველს” აღნიშნულის შესახებ .

8.3.8 ჯეროვნად შეასრულოს ნაკისრი ვალდებულებები.

8.4. “დამზღვევი”/შემსყიდველი უფლებამოსილია:

8.4.1. მოსთხოვოს მზღვეველს, განახორციელოს დაზღვევა “დაზღვევის პირობების” შესაბამისად; შეუზღუდავი არჩევანით;

8.4.3. გაეცნოს მზღვეველის მიერ წარმოდგენილ “დაზღვევის პირობებს”;

8.4.4. მოსთხოვოს “მზღვეველს” დაზღვევის დამადასტურებელი დოკუმენტის – “სადაზღვევო ბარათის “დაზღვეულებისათვის” გადაცემა დაზღვეულ პირთა სიის მიწოდებიდან არაუგვიანეს 5 (ხუთი) სამუშაო დღისა.

8.4.5. მოსთხოვოს “მზღვეველს” ნაკისრი ვალდებულებების ჯეროვანი შესრულება.

9. განსაკუთრებული პირობა

9.1. დაზღვეულ პირთა დამატება და/ან გამოკლება მოხდება შემსყიდველის წერილობითი შეტყობინების საფუძველზე. შესაბამისად ინდივიდუალურ პირებზე დაზღვევის სრული ან დროებითი შეჩერება და /ან ახალი პირების დაზღვევა უნდა მოხდეს შემსყიდველის წერილობითი შეტყობინების საფუძველზე, შეტყობინებაში მითითებული თარიღიდან.

9.2 ივლისის თვიდან შესაძლებელია მოხდეს დაზღვეულთა რაოდენობის მკვეთრი (მინიმუმამდე) შემცირება.

9.3. შემსყიდველ ორგანიზაციაზე სადაზღვევო მომსახურების გაწევის განმავლობაში მზღვეველის მიერ გამოყოფილი უნდა იყოს ინგლისურენოვანი (ინგლისურ ენაზე თავისუფლად მოსაუბრე) საკონტაქტო პირი, რომელთანაც შესაძლებელი იქნება უცხოელი მოხალისეების დაკონტაქტება და რომელიც უზრუნველყოფს დაზღვევის პირობებით გათვალისწინებული სამედიცინო პირობების გაცნობას და სამედიცინო მომსახურების ორგანიზებას 24 საათის განმავლობაში.

9.4 არასამუშაო საათებში (დღეებში) სამედიცინო მომსახურების საჭიროების შემთხვევაში, დაზღვეული უფლებამოსილია ოჯახის ექიმის მიმართვის გარეშე, ცხელ ხაზზე შეტყობინების საფუძველზე, ისარგებლოს „მიმწოდებლის“ პროვაიდერი კლინიკის სამედიცინო მომსახურებით, მომსახურე კლინიკის ექიმის სამედიცინო დასკვნის საფუძველზე.

9.5 დაზღვეული უფლებამოსილია „მიმწოდებლის“ მიერ განსაზღვრული პროვაიდერი სამედიცინო კომპანიების ქსელის ფარგლებში, ისარგებლოს მისთვის სასურველი ნებისმიერი ლიცენზირებული სამედიცინო დაწესებულების მომსახურებით;

9.6 ანაზღაურებას ექვემდებარება ქრონიკული და დაზღვევამდე არსებული დაავადებების მკურნალობა.

9.7 ამ მუხლის 9.2 პუნქტის დადგომის შემთხვევაში მიმწოდებელი ვალდებულია გააგრძელოს სადაზღვევო მომსახურება არსებული პირობებით.

10. ხელშეკრულების პირობების შეუსრულებლობა

10.1. მზღვეველის/მიმწოდებლის მხრიდან ხელშეკრულების პირობების შეუსრულებლობის შემთხვევაში, როდესაც აღნიშნულმა გამოიწვია დაზღვეული თანამშრომლის ზარალი (როგორც ფინანსური ასევე ჯანმრთელობის მდგომარეობის გაუარესება) მზღვეველი სრულიად 100%-ით ანაზღაურებს ფინანსურ ზარალს დაზღვეული თანამშრომლის წინაშე.

10.2. შემსყიდველი უფლებამოსილია მიმწოდებლის მიზეზით გამოწვეული მომსახურების ვადის გადაცილების შემთხვევაში დააკისროს მიმწოდებელს ჯარიმა გასაწევი მომსახურების ღირებულების 0.1%-ის ოდენობით. იმ შემთხვევაში, შემსყიდველი უფლებამოსილია შეწყვიტოს ხელშეკრულება და დააკისროს მიმწოდებელს ჯარიმა ხელშეკრულების ღირებულების 1%-ის ოდენობით;

10.4. მზღვეველის მხრიდან პროვაიდერი სამედიცინო ქსელის არჩევანის შეზღუდვის, ან პროვაიდერ სამედიცინო ქსელში შემავალი დაწესებულებების ჩამონათვალში შეტანილი ცვლილებების შესახებ შემსყიდველის არაინფორმირებულობის დაფიქსირების შემთხვევაში, შემსყიდველი აფრთხილებს მზღვეველს, ხოლო ასეთი ფაქტის განმეორების შემთხვევაში დამზღვევი უფლებამოსილია დააყენოს ხელშეკრულების შეწყვეტის საკითხი და/ან დააკისროს მას ჯარიმა ყოველ ასეთ შემთხვევაზე 1000 ლარის ოდენობით.

11. რეგრესის უფლება

11.1 “სადაზღვევო ანაზღაურების” გაცემის შემდეგ “მზღვეველზე” გადადის რეგრესული ანაზღაურების მოთხოვნის უფლება, რომელიც “დამზღვევს” (“დაზღვეულს”, “მოსარგებლეს”) გააჩნია “უბედური შემთხვევის” შედეგად მიყენებულ ზიანზე პასუხისმგებელი პირის მიმართ.

11.2 “დამზღვევი” (“დაზღვეული”, “მოსარგებლე”) ვალდებულია ხელი შეუწყოს და გადასცეს “მზღვეველს” ყველა მასთან არსებული დოკუმენტი და მიიღოს ყველა ზომა, რათა მოხდეს “მზღვეველის” ამ მუხლით განსაზღვრული უფლების რეალიზება.

11.3 “დამზღვევის” (“დაზღვეულის”, “მოსარგებლის”) მიერ ამ მუხლის შეუსრულებლობის შემთხვევაში “მზღვეველს” უფლება აქვს უარი თქვას “სადაზღვევო ანაზღაურების” გაცემაზე ან მოითხოვოს გაცემული თანხის უკან დაბრუნება.

12. კონფიდენციალობა

„მხარეები“ ვალდებული არიან, მეორე „მხარესთან“ წერილობით შეუთანხმებლად არ გაავრცეონ კონფიდენციალური ინფორმაცია მეორე „მხარის“ შესახებ, რომელიც მათთვის ცნობილი გახდა წინამდებარე ხელშეკრულებიდან გამომდინარე, გარდა იმ შემთხვევისა, როდესაც ამას მოითხოვს კანონი.

13. დაზღვევის პირობების შეცვლის წესი

13.1 „დამზღვევის“ სურვილით შესაძლებელია ნებისმიერ დროს შეიცვალოს „დაზღვეულთა“ რაოდენობა: „დაზღვეულთა“ რაოდენობის ცვლილება გულისხმობს დაზღვეულთა სიით განსაზღვრული „დამზღვევის“ თანამშრომლის სხვა თანამშრომლით ჩანაცვლებას, „დაზღვეულთა“ რაოდენობის გაზრდას ან შემცირებას. (მათ შორის მინიმუმამდე). „დაზღვეულთა“ რაოდენობის ცვლილების შემთხვევაში „დამზღვევის“ მიერ ყოველთვიურად გადასახდელი „სადაზღვევო პრემიისა“ განისაზღვრება არსებული ცვლილების მიხედვით „დაზღვეულთა“ რაოდენობის და მათი შესაბამისი სადაზღვევო მომსახურების დღეების (საანგარიშო პერიოდის) შესაბამისად. ყოველი ასეთი ცვლილება ფორმდება დანართის სახით

13.2 „დაზღვეულთა“ რაოდენობის გაზრდისას „დამზღვევი“ აწოდებს „მზღვეველს“ „დაზღვეულთა“ შესახებ ყველა საჭირო მონაცემს და იხდის სადაზღვევო პერიოდის (თვის განმავლობაში სადაზღვევო დღეების მიხედვით) შესაბამის პრემიას.

მუხლი 14. ხელშეკრულების ინსპექტირების პირობები

14.1 შემსყიდველს ან მის წარმომადგენელს უფლება აქვთ ხელშეკრულების შესრულების ნებისმიერ ეტაპზე განახორციელონ კონტროლი მიმწოდებლის მიერ ნაკისრი ვალდებულებების შესრულებაზე და განახორციელონ მომსახურების ხარისხის პერიოდული ინსპექტირება;

14.2 მიმწოდებელი ვალდებულია საკუთარი რესურსებით უზრუნველყოს შემსყიდველის მიერ ინსპექტირების ჩატარებისათვის ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს შემსყიდველი;

14.3 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა;

14.4 შემსყიდველი უფლებამოსილია ხელშეკრულებით გათვალისწინებულ ურთიერთობებთან დაკავშირებით კონტროლის მექანიზმი გამოიყენოს დაზღვეულის ცალკეული მოთხოვნის საფუძველზე.

14.5 შემსყიდველი უფლებამოსილია წერილობით ან სატელეფონო შეტყობინების სახით აცნობოს მიმწოდებელს მომსახურებაში არსებული ხარვეზების (ხელშეკრულებით ნაკისრი ვალდებულებებთან შეუსაბამობის) შესახებ და მოითხოვოს მისი გამოსწორება უმოკლეს ვადაში.

14.6 მიმწოდებელი ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტისა ან ნაკლის აღმოფხვრა და წუნდებული მომსახურების ხელახალი გაწევა.

14.7 შემსყიდველის მოთხოვნის მიუხედავად მომსახურებაში არსებული ხარვეზის აღმოუფხვრელობის და/ან შემსყიდველისთვის მიუღებელი ხარისხის დარჩენის შემთხვევაში, შემსყიდველი უფლებამოსილია ცალმხრივად შეწყვიტოს ხელშეკრულება.

14.8 ხელშეკრულებით განსაზღვრული პირობების კონტროლს განახორციელებს სსიპ - მასწავლებელთა პროფესიული განვითარების ეროვნული ცენტრის -----, რომელიც წერს დასკვნას ხელშეკრულების პირობებთან შესყიდვის საგნის შესაბამისობის შესახებ.

მუხლი 15. ხელშეკრულების შეწყვეტა

15.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ;

15.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება და მისი მიღების საფუძველი. აღნიშნული შეტყობინება უნდა მიეწოდოს მეორე მხარეს გადაწყვეტილების ძალაში შესვლამდე არაუმცირეს ერთი თვით ადრე;

15.3 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან;

15.4 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

15.4.1 თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

15.4.2 მიმწოდებლის გაკოტრების შემთხვევაში;

15.4.3 საქართველოს კანონმდებლობით გათვალისწინებულ სხვა შემთხვევებში.

15.5 ამ მუხლის მე-4 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების ღირებულება.

მუხლი 16. ქვეკონტრაქტორები

16.1 ხელშეკრულების გაფორმების შემდგომ მიმწოდებელმა წერილობით უნდა აცნობოს შემსყიდველს ქვეკონტრაქტორის (ქვეკონტრაქტორების) აყვანის ან შეცვლის შესახებ (ქვეკონტრაქტორის აყვანის აუცილებლობის მიზეზების დასაბუთებით). ქვეკონტრაქტორ(ებ)ის დასაშვებობის საკითხს წყვეტს შემსყიდველი და მიმწოდებელი ერთობლივი მოლაპარაკების საფუძველზე, რომელიც გაფორმდება წერილობითი ფორმით წინადადარე ხელშეკრულების დამატების სახით;

16.2 ამ ხელშეკრულების ფარგლებში დადებული ყველა ქვეკონტრაქტის ასლი უნდა წარედგინოს შემსყიდველს;

16.3 ამ ხელშეკრულების ფარგლებში დადებული არც ერთი ქვეკონტრაქტი არ ათავისუფლებს მიმწოდებელს ხელშეკრულებით ნაკისრი ვალდებულებებისაგან.

მუხლი 17. ხელშეკრულების პირობების გადასინჯვა

17.1 ხელშეკრულებაში შესაძლებელია მოხდეს დაზღვეულ პირთა რაოდენობის (დანართი 1-ის) ცვლილება დაზღვეულ პირთა დამატების და/ან გამოკლების სახით. შემსყიდველი ვალდებულია დაუყოვნებლივ წერილობითი შეტყობინების სახით აცნობოს მიმწოდებელს აღნიშნულის შესახებ. შესაბამისად აღნიშნულ პირებზე სადაზღვევო მომსახურება შეწყდება (გავრცელდება) შემსყიდველის მიერ შეტყობინებაში მითითებული დღიდან. დაზღვეულ პირთა დამატების შემთხვევაში პოლისების მიწოდება მოხდება არაუგვიანეს 5 სამუშაო დღისა.

17.2 ხელშეკრულებაში ცვლილების შეტანის ინიციატორმა მხარემ წერილობითი სახით უნდა აცნობოს მეორე მხარეს შესაბამისი დასაბუთებული ინფორმაცია;

17.3 დაუშვებელია ხელშეკრულებაში იმგვარი ცვლილების შეტანა, რომლითაც უარესდება ხელშეკრულების პირობები შემსყიდველი ორგანიზაციისათვის ან იზრდება ხელშეკრულების ღირებულება, გარდა საქართველოს სამოქალაქო კოდექსის 398-ე მუხლით, „სახელმწიფო შესყიდვების შესახებ“ საქართველოს კანონის და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით გათვალისწინებული შემთხვევებისა;

17.4 ხელშეკრულების პირობების ნებისმიერი ცვლილება უნდა გაფორმდეს შეთანხმების სახით, რომელიც ჩაითვლება ხელშეკრულების განუყოფელ ნაწილად.

მუხლი 18. ფორსმაჟორი.

18.1 მხარეები არ აგებენ პასუხს ხელშეკრულებით გათვალისწინებული ვალდებულების მთლიანად ან ნაწილობრივ შეუსრულებლობისათვის, თუ ეს გამოწვეულია ფორსმაჟორული გარემოების დადგომის გამო და თუ ეს დაიწყო ან განვითარდა ხელშეკრულების დადების შემდეგ;

18.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით, ემბარგოს დაწესებით, დაფინანსების მკვეთრი შემცირებით და სხვა;

18.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოწახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან;

მუხლი 19. ხელშეკრულების მოქმედების ვადა

ხელშეკრულების მოქმედების ვადა განისაზღვრება ხელშეკრულების ხელისმოწერის დღიდან და ძალაშია -----წლის ----- ჩათვლით.

მუხლი 20. დავები და მათი გადაწყვეტის წესი

21.1 წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას მხარეთა ერთობლივი მოლაპარაკებების საფუძველზე;

21.2 თუ “შემსყიდველი” და “მიმწოდებელი” მოლაპარაკებების დაწყებიდან 10 (ათი) დღის განმავლობაში ვერ შეძლებენ შეთანხმების საფუძველზე გადაწყვეტილ დავა, მაშინ ნებისმიერ მხარეს შეუძლია მიმართოს სასამართლოს მოქმედი კანონმდებლობით დადგენილი წესით.

მუხლი 22. სხვა პირობები

22.1 ამ ხელშეკრულებით გაუთვალისწინებელი პირობები რეგულირდება საქართველოს მოქმედი კანონმდებლობით;

22.2 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე;

22.3 მესამე პირთან (პირებთან) ურთიერთობაში მხარეები მოქმედებენ თავიანთი სახელით, ხარჯებითა და რისკით;

22.4 წინამდებარე ხელშეკრულების რომელიმე პუნქტის ბათილად ცნობა არ იწვევს მთელი ხელშეკრულების ან მისი სხვა პუნქტების ბათილობას;

22.5 წინამდებარე ხელშეკრულება არ შეიცავს არანაირ სიტყვიერ დამატებას;

22.6 დანართები წარმოადგენენ ამ ხელშეკრულების შემადგენელ, განუყოფელ ნაწილს და მოქმედებენ მხოლოდ მასთან ერთად;

22.7 მხარეებს შორის ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე;

22.8 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილია მხარეთა მიერ;

22.9 ხელშეკრულება შედგენილია 3 (სამი) თანაბარი იურიდიული ძალის მქონე ეგზემპლარად, ქართულ ენაზე. 2 ეგზემპლარი ინახება შემსყიდველთან, 1 ეგზემპლარი გადაეცემა მიმწოდებელს;

22.10 გამარჯვებული პრეტენდენტის სატენდერო წინადადება და დანართები თან ერთვის წინამდებარე ხელშეკრულებას და წარმოადგენს მის შემადგენელ ნაწილს;

22.11 ყოველივე ზემოაღნიშნულის დასადასტურებლად, სათანადო უფლებამოსილებით აღჭურვილმა ქვემოთ აღნიშნულმა პირებმა ხელი მოაწერეს წინამდებარე ხელშეკრულებას.

მუხლი 23. მხარეთა ხელმოწერები

„შემსყიდველი“

სსიპ - მასწავლებელთა პროფესიული განვითარების
ეროვნული ცენტრი

დირექტორი

„მიმწოდებელი“

დამატებითი ინფორმაცია

სატენდერო დოკუმენტაციასთან დაკავშირებული განმარტებების მიღება პრეტენდენტებს შეუძლიათ სახელმწიფო შესყიდვების ერთიანი ელექტრონული სისტემის ტენდერის შესაბამის ველში კითხვა-პასუხის მეშვეობით, ასევე სატენდერო კომისიის აპარატში მიმართვის შემთხვევაში შემდეგი საკონტაქტო პირისგან: სსიპ - მასწავლებელთა პროფესიული განვითარების ეროვნული ცენტრი, მისამართი: ქ. თბილისი, გმირ კურსანტთა ქ. №1, III სართული, საკონტაქტო პირი: ლევან ბერიაშვილი, ტელ: 220 0 220 (4601), ელ. ფოსტა lberiashvili@tpdc.ge

რეკვიზიტები

პრეტენდენტის იურიდიული ფორმა და დასახელება:	
ხელმძღვანელის სახელი და გვარი:	
იურიდიული მისამართი:	
საიდენტიფიკაციო კოდი:	
ტელეფონის ნომერი:	
ელექტრონული მისამართი:	
მომსახურება ბანკის დასახელება:	
ბანკის კოდი:	
ანგარიშის ნომერი:	

პრეტენდენტის ხელმოწერა და ბეჭედი

ინფორმაცია კომპანიის გამოცდილების შესახებ

პრეტენდენტის დასახელება _____

N	გაწეული მომსახურების აღწერა (2009-2015)	ვადები		დამკვეთი იურიდიული პირი (ორგანიზაცია)	შენიშვნა
		დასაწყისი	დასასრული		
1	2	3	4	5	6

პრეტენდენტის ხელმოწერა _____